

烈祖成績

安積覺編次

卷十八

U 5
742
18



伊 5
門 742
號 卷 18



烈祖成績卷之十八起慶長十九年十月至其月晦

安積覺 編次

慶長十九年十二月朔松平利隆其弟利繼森忠政有馬豐

氏等涉河水入天滿而陣監使服部權大夫島彌左衛門上

言敵雖燒天滿之地而人家猶有殘者便于兵備神祖笑曰

六日莒蒲也德川記慶元記難波戰記松榮紀事○抱朴子曰以五月五日中捕萬歲蟾蜍陰乾帶於身辟五兵六日則不用按皇朝以端午節鬪莒蒲有和歌會六日則無用故有是語其義一也浪花戰記曰初神祖怒松

平利隆從城和泉守之言而後于軍機至是喜諸將進兵天滿故有此語是夜大野治長第失火

城兵奔走救之天滿京橋諸將皆謂城中有內應者舉火爭

欲攻之松平利隆率兵先進諸將相繼而進城兵堅拒鉛彈

烈祖成績 卷十八

雨下。我兵多傷者。諸將斂兵而退。

駿府記。德川記。慶元記。難波戰記。○松榮紀事曰。神

祖使本多正純。成瀨正成。安藤直次。巡察船塲形勢。三使傳旨諸軍。列柵逼城。事竣歸住吉行營。城兵見之。意其攻城。向

船塲。連放鳥銃。船塲至城。有橋二。三十。城兵燒之。唯今橋高麗橋。猶存。利隆忠繼等入天滿。松平周防守。岡部內膳正。市

橋下總守。別所豐後守等。相繼陣列。城兵自燒西南街市。而須賀至鎮營前街市。煙塵漲天。不能見城兵。石川忠總陣于

多寡。故諸將不出戰。與諸書異。附以備攷。

高麗橋前。放銃拒敵。使不得燒橋。神祖望見。以加賀爪甚十

郎忠澄為使。忠澄備前守。政尚子。後為民部少輔。命忠總曰。燒橋我所欲也。今

以天下之兵攻此城。不繫一橋之存亡。然不可不待命下而

輕戰。且汝兵寡。為敵所乘取也。宜與船塲諸將同陣。視彼動

靜。難波戰記係十六日。曰。小栗又市。山本新五左衛門。還自陣營。言曰。船塲城兵欲燒石川忠總營前橋。忠總飛銃拒

之。敵不能燒橋。蜂須賀至鎮大名也。陣營相去不遠。請使至鎮代忠總守之。神祖不應。永井直勝亦言曰。敵若燒橋。攻城甚難。宜亟命至鎮代之。神祖大怒。取眉尖刀擬之。直勝驚走。松平右衛門大夫救護得免。神祖徐曰。此橋素我所欲燒也。然燒橋則敵必謂不復圍城。攻之。故置之。今敵燒橋。此幸也。以日本國兵攻此城。何係一橋之存亡乎。叙事頗詳。然創業記。駿府記。松榮紀事。藤堂高虎進軍活玉圍城日急。松平政

皆係是日。今從之。

宗陣于船塲。敵兵構棚樓於鐘木橋以射之。○據松榮紀事。鐘木橋在天王

寺西。銃矢如雨。士卒不能持軍。高虎往救之。選弓材銃器之

精練者。仰射棚樓。敵兵不能復登。遂使政宗之兵得保其營。

高虎行狀。○野友元所撰。山本義安碑曰。山本權兵衛義安。父七介義純。世仕松倉氏。是冬。松倉重正與藤堂高虎同營

張軍。義純亦被奇計。設柵隍口。超諸將之軍。城中放砲如雨。多傷者。義純亦被創。然不退縮。守之一晝夜。軍營不動。大將軍

嘉重正之功。是日。重正之兵岡崎與十郎中砲死。其骸猶在隍口。日暮。重正問骸所在。僉曰。未收。重正大怒。欲自往收之。

烈且誠讀

卷十八

義安年十九在席末請收之重正悅許之義安提盾奮然疾馳飛炮中盾如崩或碎刀鞘義安排盾至墮口負其屍而歸重正褒賞之同列悉服其勇而不海西諸將亦屯船場距城數町天王寺口諸將已逼城東方鷺島諸將進逼池墮唯天

滿一面隔河水高麗橋通于西北最為要衝寡兵難守故使松平忠繼代石川忠總守橋忠總移陣于其南松榮紀事神祖名

梓人中井正次命曰近日將移營茶白山宜毀船場人家以充陣營駿府記德川記慶元記松榮紀事二日神祖登茶白山望城守形勢

大將軍聞之亦自平野來謁本多正信正純父子成瀨正成安藤直次扈從年譜創業記駿府記家忠日記○松榮紀事曰神祖按行船場陣營松平政宗等從行按

駿府記唯正信父子正成直次扈從其餘不來據神祖命小難波戰記政宗扈從在四日而非是日事故不取

出吉英及其弟信濃守吉親築堤曝布鄉以便于來往京師

松榮紀事三日使本多正純巡視陣營及昏歸而言曰船場廣天

滿狹乃使松平忠繼移自天滿陣于船場浪花戰記曰正純

滿東面僅六町船場過二十町而所命諸將每一萬石賦三

間故軍士堆壘後軍徒觀前軍之戰不能赴援因有此命

先是神祖使本多正純商人後藤光次遺書織田有樂勸秀

賴講和是夜有樂復書正純光次曰數日諫右府竟不能容

事不可為矣神祖使二人又致書曰諫雖不行更懇懇之願

有樂出城會議慶元記有樂作雲生寺今從諸將列竹牌四

面齊進圍城距城十町或五六町創業記作二町或三町德

戰記五町或六大將軍欲令諸軍一時攻城神祖以為城雖

可拔而我兵多損。不如以計取之。故不攻而疲之。德川記難波戰記

城外有箐叢林。真田信仍出兵翳林中。放鳥銃。松平利光之兵。每日多死傷。是日。利光前鋒奧村攝津守欲奪之。逼城。以為己功。信仍謀知其謀告之。信仍引兵入城。攝津守率部兵攻之。敵無一人在者。攝津守引兵空還。信仍使兵一人乘睥睨。姍笑之。攝津守之兵皆忿。超隍緣壁。競欲毀女牆。城兵急放銃矢。攝津守狼狽而歸。利光怒其犯法。輕進而無功。黜之。

難波戰記。大阪記。浪花戰記。慶元記曰。利光分軍為二。與村攝津守將左軍。山崎長門入道間齋將右軍。間齋老將。攝津守少壯銳氣。常思先間齋。間齋建旗高地。列兵卑地。攝津守之兵見之。誤為間齋逼城。故攝津守急進攻城。竟為真田所破。間齋堅陣不動。攝津守取之。大將軍移自平野。陣于岡道。于高野山。與諸書異。附以備攷。

山尾張宰相義直。遠江宰相賴宣。陣于天王寺側。先是城將

南條中務大輔潛通謀於藤堂高虎。欲引我軍入城。大阪陣

記曰。中務大輔通謀于井伊掃部頭。請復父祖舊封。伯耆賜印章。載雉堞柱於地中。約導我兵。慶元記曰。中務大輔之舊

臣山田越中勸為內應。未約揭燈籠示期。放銃不用鉛彈。四

日黎明。石川數矩所守樓櫓失火。數矩十八年坐兄玄蕃

在大阪城。浪花戰記曰。秀越前少將忠直前鋒本多成重。本

多富正等傳聞中務大輔之謀。以為為內應舉火。故進兵超

濠。逼真田貳城。欲壞雉堞。冬夏事記曰。貳城之南有小山。姨瀨柵山城。兵時使步卒放銃。

本多安房守與諸將井伊直孝及前田利光前鋒本多政重。

議欲取之以逼城。橫山長知竝進臨濠。朝霧昏濛。不辨東西。不知我軍傳城。日

晏霧晴始覺之。真田信仍伊木遠雄神氣不撓。指揮士卒發銃矢拒之。加賀越前之兵多斃。德川記慶元利光隊將成瀨

內藏助吉正

吉右衛門正一第二子隼人正正成弟

乘赤麾指揮城兵呼曰赤

麾將舉措可觀。請進一矢。吉正進馬立濠上。敵放銃中之。傷

左臂墜馬。從兵扶去。然不死。

成瀨系圖

小幡景憲屬利光隊將富

田越後與杉山八藏才伊豆等攻城。伊豆中銃而仆。景憲負

之歸陣。時遺背旗。景憲又進取之而還。時人稱之。

小幡道直牛事歷直

孝前鋒木股右京先登被創。成重富正欲收兵。而士卒困於

銃矢不能進退。忠直弟出羽守直政時十四歲。進欲超濠。其

傳天方山城守抱之固諫。

天方山城守道興見天正七年即其人耶或其子乎未詳直

政曰。然則吾在此。宜立馬標於濠上。部兵如其言。時人知其

有將略稱之。

松榮紀事曰直政先登超濠今從難波戰記

按直政以六年辛丑生實十四歲二書誤矣

日既亭午。兩軍悉力攻守。我軍死者

百餘輩。城兵無一人死者。

慶元記曰我軍死者二百餘人今從駿府記

監使交馳

欲收兵。眾軍不聽。爭戰彌厲。監使報之行營。神祖大將軍大

怒。使安藤直次收兵。直次策馬不避鉛彈。號令諸軍收兵而

還。大將軍怒諸軍違令。輕進取敗。告神祖欲寘之重典。神祖

曰。當如此時。犯軍法者。亦不易多得。赦之可也。遂釋不問。時

人服其英略。

年譜創業記駿府記家忠日記

南條中務大輔

事發覺。秀賴捕而誅之。

德川記難波戰記冬夏事記○慶元記曰。磔中務大輔於城中。

使諸將分殺部兵今從上諸書神祖召中坊秀政曰聞大阪城兵匿妻子於

大和宜搜捕之德川記難波戰是日神祖又登茶白山望陣

營扈從之士不過十餘人諸將來謁至藤堂高虎之營城兵

知之發銃如雨神祖未嘗擐甲神色自若駿府群臣執轡請

回神祖為不聞群臣固諫神祖曰死生有命猶進不已橫田

重量來排衆曰銃矢交下人所難堪此公天資好之自此而

西船場之地城兵頻放大銃我軍難成陣列請赴此地乃使

馬首西神祖首肯進馬至船場入蜂須賀至鎮之營去城頗

遠銃矢不能及人皆稱重量長於軍事難波戰記本書係二

置于此事也故松平政宗出巡陣營中路謁見政宗高虎扈從晡時

還住吉行營政宗諫曰敵伺動靜其術多端不宜輕騎輒出

或賂廚人寘毒飲食亦不可料宜置嘗食神祖然之始置嘗

食難波戰記五日召九鬼守隆褒奪大阪戰艦之功曰城兵或有

夜出寇鈔汝須泛戍船固守港口以防之又召監使橫田重

量間宮權左衛門曰天滿船場之兵須築垣以發銃使我兵

無傷損今不顧死傷則城立可拔然兵多死傷則雖取勝而

非所貴也監使馳告諸軍人皆感激駿府記德川記慶元記

駿府記曰松平忠雄蜂須賀至鎮謁見神祖命之築垣列竹

牌以防死傷蓋既命兩將又使監使告諸軍也今從德川記

難波戰記大將軍以土井利勝為使使言于神祖曰聞秀賴

有講和之議今日本諸軍來集在此其拔一城何難之有講

和既成。則不復得攻。請刻日齊攻。神祖曰。大樹憤激。固當。然雖小敵。亦不可侮。且吾聞之。良將不戰而勝。請大樹枉從我言。利勝歸岡山報之。大將軍曰。大御所文武兼備。天下無雙。然何重慎至此。頗不悅。本多正信在側曰。誠如所諭。然大御所謀慮深遠。願勉從之。駿府記。松城將織田雲生寺守豐志谷口。是日。部兵三上外記。埴原八藏之奴隸忿鬪。諸書埴原從佐佐宗淳訂正。濟輩互助之。及數十人。死傷七八人。陣營大騷擾。雲生寺出而禁之。藤堂高虎前鋒。藤堂良勝。藤堂高則以下。乘其騷擾。率兵急攻。雲生寺及早川九郎左衛門。長曾我部盛親等拒戰。良勝高則等進欲破之。雲生寺指揮士卒。頻發

鳥銃。高虎部將渡邊了中。鉛被傷。其餘競進衝突。雲生寺乞援兵。秀賴使山川賢信。北川宣勝等救之。高虎見新兵來救。知不可拔。自吹海螺。收兵。士卒從命。如臂使指。時人稱之。難波戰。六日。神祖移行營於茶白山。大將軍自岡山來謁。年譜。創府記。家忠日記。德川記。難波戰記。神祖獻白金一千枚於住吉社。使小堀遠江守政一。新助政次子。判髮號。宗甫。以嗜茶名于世。別所孫二郎禁諸軍侵掠。住吉。難波戰記。是日。鑿鑿山麓。有鼉無萬數。相分南北而鬪。北方鼉負。或死或傷而退。駿府記。難波戰。記。松榮紀事。神祖聞之。語近臣曰。鼉鬪所在有之。吾昔在岡崎。數見之。非怪也。然鼉冬蟄。春出。今隆冬。祁寒。鼉出手足不凍。健鬪如夏。此可怪也。時人皆謂大阪

兵敗亡之兆。難波戰記先是伊奈忠政督福島正勝毛利秀

就之役夫築堤以所在淀川吉田了以之船數百艘運土石

塞上流編竹木以為堰九日堤成堤高一丈八尺廣十五間

長等川北折而流自堤至城下水落為陸如大路然監使山

城宮内少輔龍川正弘來言曰河水皆流入尼崎不過一二

日天滿河水悉涸神祖悅城兵皆喪膽相謂曰中島淀川之

下流水不可得而涸何其神也。德川記係六日今從創業記

事自是夜諸軍每夜發烏銃佛郎機大喊二三次。年譜駿府

記德川記慶元記難波戰記創業記曰酉亥寅每夜三時

發喊放銃松榮紀事曰城兵不得休息皆大困按青山石見

守通謀城中其實

不困詳于下文十日織田有樂大野治長以村田吉藏米

村權右衛門為使來本多正純之營修和議後藤光次為介

○據冬夏事記十月二十四日有樂修理以吉藏權右衛門

為使本多上野介傳命使修和議是日又來非始于此也

神祖召二使曰秀賴招集客兵甚無謂也然和議成則吾當

不殺客兵以全其生秀賴出城移居大和乎不然填總濠乎

二者居一宜思安平之策使者還城中議不決然將士聞之

銳氣頗撓神祖使監使令諸軍曰城兵欲降者許之宜射箭

書知之降者報其姓名。德川記慶元記難波戰記年譜附尾是日京師市人獻

鉛一千斤。年譜德川記是夜我軍發喊放銃如前夜城兵不

少沮投炬發銃至明夜亦然。創業記德川記十一日井伊直孝

攻天王寺口起土山發佛郎機以擊碎樓櫓越前加賀諸軍

亦如此。松榮紀事本書不日係藤神祖命間宮權左衛門島

田清左衛門直時使開鑿地道藤堂高虎井伊直孝松

平利光所攻有可鑿之地直孝使工鑿之城兵知之亦將鑿

地道拒之直孝所命土地輕鬆終不得成。松榮紀事曰高虎

深一間立方一尺柱以五寸板為蓋通道至樓櫓下直孝及

越前之兵亦樹柵濠上使開鑿夫鑿地道以達櫓下今從德

川記慶元記難波島津家久雖提兵出薩摩而行程僅二日

託言待風泊海上不進神祖豫命細川忠興田中忠政加藤

忠廣曰島津不發則勿離疆圉故三將不會軍期。創業記細

十二日神祖大將軍按行天滿大將軍登有馬豐氏陣營之

井樓望見城中城兵發銃如麻大將軍不下井樓水野勝成

來言曰候騎看一處大將按行視各處須至志貴野神祖大

將軍從之過上杉景勝營前直江兼續先使銃手連放大銃

城兵頗傷神祖嘉之曰大將按行先發銃矢此軍備也。年譜

記家忠日記德川記慶元記難波十三日神祖命梓人中井

正次造長梯設攻具。駿府記曰每大將使淺野長晟松平

忠義桴于濠上以土猪填濠。德川記慶元十四日阿茶局還

自京師為使京極忠高母常高院入城修和議也。常高或作

淺井備前守長政三女長大虞院次常高九鬼守隆新造盲

船其狀異常可前可卻便於擊刺敵不能傷守隆父嘉隆朝

鮮之役屢以舟師與明兵戰故至部下士皆善水戰是日守

隆泛盲船入難波橋放銃城中向井忠勝千賀與八郎小濱
 民部少輔等亦同進船難波戰記十五日神祖召後藤光次問和
 議光次對曰如前所諭淀殿為質出城乎不然則毀壘填濠
 放出客兵城將傳秀賴之意以為淀殿為質須從其請但無
 割與容兵之地請給采地台命以為客兵有何功而給采地
 乎即以此言諭城將未有其報蓋緩和議以疲吾士卒修樓
 堞以固守禦乎或傳日者莖之明年乙卯秀賴吉年也故遲
 緩其事耶人皆疑之駿府記德川記難波戰記是夕大阪城中又遣村田
 吉藏米村權右衛門言曰淀殿當為質之東國然則送誓書
 以明無他客兵宜給采地神祖怒曰曷言客兵有何功而給

采地乎使者再來可刎其頸即却之德川記慶元記難波戰記冬夏事記十六

日城將大野治房部將塙直次長岡監物貞安城所友仙曰舊米田氏後

更今御宿政友等相議城久被圍坐而受屈非計也不如夜

襲其營蜂須賀阿波守陣于本町橋之南松平宮内少輔陣

于橋北宜襲此二營治房曰凡夜戰寡兵為要寡兵而擊二

營必難得志宜劫阿波之營以報船場之怨乃選銳兵一百

二十人德川記慶元記作五十人冬夏事記八十餘人松榮紀事一百人今從大阪事記難波戰記定軍

號四更潛兵渡橋襲蜂須賀至鎮之營急發喊諸營騷擾至

鎮之營警備不懈暗夜接戰城兵衝突良久欲引去德川記

冬夏事記並皆曰至鎮之卒連夜燒炬警備困倦眠于竹牌

之後兵士苦寒入土庫燒薪暖身城兵突入亂斫今從難波

戰記大阪事記松榮紀事○按十六日非
暗夜或天陰月黑則不可知然從本書
至鎮前軍隊將中

村右近揮眉尖刀追擊之城兵還鬪右近戰死七條與三右

衛門與城兵上條又八戰敗死稻田修理示植斬敵三人被

創與巖田七左衛門追敵逼橋城兵木村彦左衛門牧牛抱

難波戰記作牧野右馬助曰後稱牛抱左近一本難波戰記

牛抱作牛尾田大阪事記作牧牛抱今從之蓋初稱牛抱而

後更為畑角大夫田谷右馬助拒戰示植子九郎兵衛植次

氏也時十五歲駿府記作十四歲松榮紀事十六歲今與城兵戰

獲其級中村右近之首不為敵所獲者示植父子之力也鵜

飼七郎左衛門四宮與兵衛橫井十兵衛斬敵六人凡獲十

餘級至鎮之兵死者二十三人松榮紀事作三十餘人今從
德川記難波戰記冬夏事記

大野治房御宿政友列兵橋上以迎城兵來歸者○松榮紀
事曰敵兵

逃入城門自燒橋故至鎮之兵引退據難波戰

記慶元記冬夏事記等書其說非也故不取 塙直次在濠

上指揮城兵長岡貞安出於濠外指揮直次立牌濠上曰夜

討大將塙團右衛門直次故世人唯知直次為隊將而不復

知貞安亦隊主也十七日至鎮告狀行營神祖大將軍褒至

鎮之功賜書蓬庵勞之年譜創業記駿府記家忠日記德川
記慶元記冬夏事記松榮紀事○難

波戰記大阪事記並曰城兵亦有稱巖田七左衛門者披猩

猩鬣後衆而退至鎮之兵欲追擊之彼呼曰我巖田七左衛

門也不可傷至鎮之兵七左衛門亦著猩鬣故謂之儕輩

縱之見其入城始覺為敵悔不殺之和議成後至鎮部將報

城將稱七左衛門殿而有勇冬夏事記曰監使小栗又一來

視戰場使至鎮之兵撤營前之柵衆皆訝之然不能違監使

之命撤之是日神祖按行戰場大褒之曰阿波守年尚少壯

而長於戎事如此其蒙稱賞又一之力也衆服其言按小栗

重常使拔柵木則容有之然諸書不載是日敕使權大納言

藤原兼勝藤原實條來于行營傳密詔曰天寒不宜年老勞

干戎間須命軍事於諸將暫歸京師以休息秀賴欲講和則

宜下敕修之神祖拜謝曰臣為指揮諸軍在戰場雖老不為

勞和議不宜勞宸衷若秀賴不奉詔則是輕蔑朝廷也駿府記德

川記慶元記難波十八日大將軍巡行陣營至志貴野召安

藤重信曰今須涉大和川至今福重信憮之然不能違命會

本多正重來自岡山行營重信謂之曰子意何如因仰天視

日蚤暮正重亦仰視曰日已昃行營路遠涉川則抵暮方得

歸矣重信言于大將軍曰三彌之言是也須卜明日大將軍

從之還岡山時日加未其至今福猶未晚也然志貴野今福

敵易出兵故二人云然時人稱之難波戰記神祖使田付兵庫髮

號宗鐵美作守景定子江州自備前島片桐旦元之營發佛

郎機每月十八日秀賴詣豐國原廟故用是日會大虞院欲

觀城外之兵發殿守砲發聲如雷霆鉛中殿守第二層柱擊

碎之侍女二人忽成齋粉德川記慶元記難波戰記皆係十

及梓人中井大和守選銃手數十人以大銃擊破樓櫓三人

相議片桐且元之營最近于城故定其方位量定殿所居發

大銃數百口擊碎一櫓殺侍女七八人但德川記慶元記作

營沼定芳之營按松榮紀事係十八日叙事頗為得實故今

從之婦女皆股栗悲泣大虞院大驚亟使秀賴講和秀賴不聽

難波戰記曰會二位局伴阿茶局來于城中修和議按諸書

不載阿茶局入城蓋在此前也戰記又曰定殿率侍女巡行

城中視其軍裝郡主馬建秀賴旌旗十二津川左近列笛吹
 貫五十本立金瓢箠馬標甲士六七萬陣列城中弓手銃手
 皆在樓櫓嚴備勢甚雄壯定殿大喜謂可以制勝既而登殿
 守望見我軍步騎數十萬不遺尺地旌旗蔽空劍戟耀日定
 殿見之氣悸召大野治長曰敵兵幾及百萬城守不可恃一
 旦城陷則有誰擁護右府乎宜修和議治長啓秀賴秀賴笑
 曰婦人之情固宜如此敵若合圍齊攻則我亦當出郭門決
 戰凡軍之勝敗不在兵之多寡而在衆之和與不和宜以此
 告諸軍治長名諸將諭之將士皆感激思奮本書不係日不
 知其言恐後人緣織田有樂大野治長及七隊長皆諫之秀
 賴之辭故不取

賴曰我今舉兵非欲得志特欲從先人之遺命以此城爲墳
 墓耳卿等有何所見而諫我耶有樂治長密相議曰使新進
 輩上諫則事或可成乃召真田信仍長曾我部盛親後藤年
 房明石守重於秀賴前治長問曰今關東欲修和議其得失

何如年房對曰擲舉大事僉謂太閤恩顧之士必當來歸而
 或禽使者竟無一人歸順者凡糧食火藥有時而盡敵十萬
 人合圍邀路雖欲徵糧何由而得坐守孤城又無後援不如
 許和真田信仍曰凡城守者雖衆心皆一併力堅拒而無後
 援則終不可守頃見南北守禦敵急來攻則城兵失色先見
 走路前日藤堂和泉守攻豐志谷口破柵攀壁勢幾危急至
 於兒女擲瓦礫裝火藥以防之而大將雲生寺稱病不出集
 娼妓以託頭風大將既如此况士卒乎如此之輩謂之敵耶
 謂之我耶城守不可成和議不可拒又兵衛之議是也有樂
 治長素好和議告大虞院以二人之言大虞院又使有樂治

長諫秀賴

松榮紀事曰有樂修理名諸將議之新進將士皆曰城守二三年待其有變則可以得志何用和議

之為與之相反今從德川記慶元記難波戰記秀賴怒而悲泣曰。鄙片桐市正諫我。

正如卿等之言。當其時。卿等以市正之言為非。而市正之忠

言。至是方驗。此吾命之窮也。然宿將新進。皆為媮生好和議。

吾當和親。以全士卒之命。有樂治長雖忸怩無言。而喜和議

將成也。

難波戰記

是日。常高院來于京極忠高之營。年譜創業記駿府記家忠

日記難波戰記

神祖使阿茶局。本多正純往會之。常高院以大虞院

之意。謂二人曰。全右府之命。則當和親。神祖使阿茶局諭之

曰。我素視秀賴猶子。徒以為姦人所誤。視我如仇。故不得已

尋干戈。故太閤嘗以秀賴屬我。且與大樹有翁壻之親。今休

兵結好。則我亦可善遇之。常高院歸報。大虞院大喜曰。唯大

御所之命是從。

德川記慶元記難波戰記唯曰常高院謂阿茶局本多正純曰不過一二日當傳城中之

報松榮紀事叙事頗詳今從之

大將軍來謁行營。請神祖曰。下令諸軍。合圍

攻城。則可一舉而拔矣。神祖曰。城固可拔。然吾兵亦當多損。

往年本願寺門主顯如守此城。織田信長以數萬之兵攻之。

三年。終不能拔。其後太閤修築多年。今城兵亦多。不可輒陷。

兵法因敵轉化。良將好謀而成。方略在我。將軍宜靜以待之。

乃命本多正信益修和議。大將軍奉命還岡山營。使本多忠

政移陣於天滿。起土山。督攻具。大虞院欲和議成。頻諭秀賴。

秀賴不得已從之。

難波戰記

十九日。常高院又來于京極忠高之

營神祖使阿茶局從之入城。諭大虞院曰：秀賴猶欲居大阪，則當授舊封之地。若欲避之他邦，當封以大國。彼所招集客兵，我不之禁，去留任其意。大虞院諾。常高院阿茶局欲固其約，謂大虞院曰：今有所干求，則當傳命。大虞院又召有樂治長及七隊長議之，皆曰：右府公在大阪如故，群臣采邑仍舊，不禁客兵，則和親為便。二人歸報，神祖聞之曰：所請皆當許之。今既和親，永弭干戈，則當使我士卒填彼總濠，毀樓櫓，撤要害，以釋衆人之疑。冬夏事記，松榮紀事。常高院入城報之。大虞院喜和議成，不復加再思，皆如其所言。秀賴約曰：填濠壞石壁，以為平地，則當如命。淀殿為質往關東，則不能也。當以有樂修

理之子為質。浪花戰記曰：淀殿務欲和成，而將赴關東為質，濠停淀殿為質，及逐客兵，許以二人之子為質。○按諸書皆云有樂修理出子為質，而不書道見出質，故不取。新舊群臣各安其所，遇我不異曩時，請送誓書。神祖大將軍許之。於是和成。年譜創業記，駿府記，家忠日記，難波戰記，○創業記曰：本丸二丸如舊，毀三丸慶元記曰：毀二丸三丸。家忠日記，德川記曰：本丸如舊，填二丸三丸之濠。諸書不同。難波戰記，松榮紀事，但云填總濠，毀壘壁，今從之。又按創業記曰：城中糧食充羨，其餘無一匱乏物，唯應乏火藥。凡城兵皆用大銃，不用小銃，兵起至此，用火藥八百石，故時人云然。神祖召蜂須賀至鎮於行營，曰：聞卿有兒，曰千松。後名忠英，叙從四位下，任侍從。阿波守，漸免于孩，須以我准父，乃解帶賜之。至鎮拜謝而退。神祖遣使賜衣服一襲，黃金三百枚於千松。至鎮送之。阿波使千松拜戴之。家忠日記二十日，秀賴使二位局饗場局從

常高院來于行營。獻衣服三領。緞子三十端。冬夏事記為從

戰記定殿獻物見下文今從是日神祖使本多正純之臣寺

田將監副後藤光次入城受質。織田有樂出其子武藏守尚

長。有樂第大野治長出幼子。光次怒而不受。曰：幼息何足為

質。宜出長子。治長乃以長子治德為質。時尚長十九神祖

聞而避之。使本多正純拘二質子。年譜創業記家忠日記德

夏事記光次爭質據二十一日使安藤直次成瀨正成永井

直勝命諸軍撤攻具。引兵各歸本營。松平忠明本多忠政本

多康重監填濠。瀧川正弘山城宮內少輔佐久間政實山本

新五左衛門監城門。禁士卒闖入。是日鎮西舟師來泊室兵

庫津。薩摩兵船七百餘艘。豐前肥後筑後兵船合三千餘艘。

難波戰記作二千餘艘未知孰是神祖使本多正純勞之曰。

遠來風波辛勤。然和親既成。宜各歸其國。以慰士馬。德川記

難波戰記監使山田重利渡邊半四郎青山石見守。即祖父江

六副松平忠明本多忠政等監填濠之役。三人入城。有婦人

出呼石見守姓名。石見守面發赤。不得已諾。婦人謂之曰。右

府公母子無恙。今和議成。想君亦當喜。重利半四郎歸行營。

密上其事。神祖覺石見守有貳心。殺之。歸我軍圍城。夜數發

喊。城兵不肯驚騷。亦發喊。擲炬。皆石見守密報城中。所使之

為備也。至是其姦始露。難波戰記二十二日神祖遣板倉重昌於

城中。大將軍遣阿部正次監秀賴瀝血誓書。大坂記板倉重昌作本多正純

誤今從下諸書按諸書不載大將軍之使今據創業記大野治長問重昌曰誓書當呈

大御所乎。呈幕下乎。重昌初不取旨無所擬議直云呈大御

所。重昌受誓書而歸。神祖望見謂之曰。曷以汝為使。不命誓

書呈誰。事何如。重昌具白其狀。神祖喜曰。非汝不能辨之。是

日。秀賴遣木村重成郡良列於行營。乞神祖誓書。瀝血模糊。

重成曰。婦人愚魯。恐淀殿怪之。願瀝鮮血。竟如其請。其後神

祖稱重成有膽略。年譜創業記家忠日記難波戰記曰神祖

重成為不聞竟見瀝血而還今從德川記慶元記又按諸書

皆以神祖誓書為前以秀賴誓書為後冬夏事記唯載取神

誓書據浪花戰記重昌正次與重成同時入自玉造口固無

前後也然今從松榮紀事二十三日。松平忠明本多忠政本多康紀。瀧川

正弘佐久門政實。山城宮內少輔山本新五左衛門等督役

夫監四門以填濠塹。大野治長出謂督使曰。初約填總濠。是

西南外郭之濠也。今入內城妄填濠塹。以為平地何也。督使

應曰。兩公命填總濠。吾輩以為凡所有濠塹謂之總。初不聞

其分內外也。日役東西諸侯數萬步卒。搬材木運土囊以填

之。治長不能禁。神祖數遣使促之。濠塹廣大不能亟辦。神祖

頗不悅。秋元但馬守泰朝北條家士越中某子馳至其所。當濠中間築

堤為道路。濶二步。可以通騎。輒歸行營告成。神祖悅。間一日

神祖入京師。即由此路。時人稱泰朝之敏捷。松榮紀事曰本多正純成瀨正

成安藤直次。役步卒填濠。自外郭至三丸。大野治長出詰之。

正純。正成直次對曰。總濠者。凡有濠塹處。皆可填也。子欲全

二三丸之濠塹。豈欲復城守乎。治長無語而罷。正純等益督

役夫。唯留本丸濠塹。其餘皆填之。一日而成。按命松平忠明

本多忠政等填濠。在上文。正純正成等監役。在下文。神祖入

京之後。且濠塹深廣。何得一日而成。今從德川記。慶元記。大

阪事記。難波戰記。秋元二十四日。織田有樂。大野治長來謁

行營。各獻衣服三領。家忠日記。慶元記。難波戰記。松榮紀事。大虞院使大

隅與左衛門獻卧具。難波戰記。○據明年五月。大藤堂高虎

本多正信為介。越前少將忠直。其弟忠昌。松平利光。松平利

隆。忠繼。忠雄以下列侯。皆謁行營。賀和成。初有樂治長出城。

相約。訴將士倍約。填總濠。至是畏神祖之威。不敢發語。是日。

賜蜂須賀至鎮書。賞前後軍功。賜稻田宗心。修理示植林道

感黃金一百兩。二人年八十餘。薨城兵夜襲至鎮之營。二人

指揮軍事。能適機要。故賞之。賜稻田示植書及元重刀。其子

植次書及兼光刀。山田織部樋口內藏助森甚五兵衛。森甚

大夫巖田七左衛門書及衣服。賜松平忠雄之兵橫川次大

夫箕浦玄蕃書。佐竹義宣之臣梅津憲忠書及信國刀。戶村

義國。大塚資鄉。黑澤道家。秋田兵庫。上杉景勝之臣隅田大

炊。水原親憲。鐵孫左衛門。島津玄蕃書。皆賞其戰功。松榮紀

七日。今從家忠日記。德川記。慶元記。難波戰記。冬夏事記。召長崎奉行長谷川藤廣為界

津政所。駿府記。家忠日記。德川記。冬夏事記。是夜茶臼山近習之營五六失火。

松平正綱。板倉重昌。加賀爪忠澄。固守營門。警備嚴重。駿府

川記慶元記難波戰記冬夏事記松榮紀事先是大阪城兵日徵兵糧於尼崎建

部政長不肯出城兵捕尼崎側近民夫為質督責之出兵窺
竄尼崎政長列柵固守城兵不得近將引退政長及池田越
前欲追擊之南部越後止之曰大軍不可追至是和成神祖
使松平忠利移自天滿鎮尼崎忠利防禦嚴肅政長來于行
營謁神祖大將軍城將薄田兼相帥兵三百至神崎遣使尼
崎責政長曰尼崎大阪管内宜納租稅政長告之忠利忠利
遣使神崎曰聞子稱秀賴之命徵租稅於建部三十郎松平
主殿頭在尼崎能來此乎不然宜亟引去兼相不能對引去
還城神祖聞而善之驚峰文集深溝本光寺碑松榮紀事松平政宗藤堂高虎

以下諸將密就本多正純上言曰今與大阪和親恐不可秀
賴終不可保後必有患不如及今除之神祖曰諸將所言似
是而非凡行不義者必蒙天譴如近世織田信長武田信玄
是也往年長湫之役余仗大義援織田信雄一戰而勝太閤
終不能敵而乞和親故余至大阪謁見太閤其後每從太閤
之軍鎮西關東竭力行間其有功於太閤皆諸將之所知也
曩者石田三成欺罔幼弱秀賴舉兵伐余關原之戰兇徒殄
滅當此時諸將皆勸余殺秀賴余思太閤之好以全其生余
非太閤諸將之等夷苟以義合者也秀賴以恩為仇與戎構
難以毒天下今取之不難然人行不義余欲以善報之故和

親自今而後秀賴忘恩又行不義則自速亡也請諸將勿復言諸將皆服其言難波戰記二十五日前夜神祖發茶白山行營

比明入京師板倉勝重出迎賀之○冬夏事記曰後藤又兵衛真田左衛門佐相議欲

夜襲茶白山行營其日神祖發行營故不能及諸書所不載附以備考大將軍在岡山尾張宰

相義直遠江宰相賴宣在天王寺營本多正純成瀨正成安

藤直次守茶白山行營監填濠塹織田有樂慶元記作雲生寺今從下諸書

大野治長伊東長次青木一重堀田正高連見守久來于岡

山謁見大將軍二十七日大將軍遣土井利勝於二條城告

督填濠役神祖勞東西列侯皆就藩休息免徭役三年下大

阪界津其餘處所法令駿府記德川記慶元記難波戰記冬夏事記松榮紀事先是神

祖經上奏繕寫秘府及諸家載籍公卿或有祕而不出者則

使謂之曰今惜之不出而他日以其書為援據則不足信也

故公卿皆出所藏秘籍至是謄寫既成僧崇傳林道春上舊

事記古事記續日本紀文德實錄江家次第日次記續本朝

文粹管家文草西宮記釋日本記內裏式山槐記類聚三代

格等書其餘猶有數十部駿府記冬夏事記松榮紀事二十八日神祖入

朝年譜創業記家忠日記獻白金一千枚綿三百屯於後水尾天皇白

金一百枚綿一百屯於後陽成上皇駿府記松榮紀事作獻

十枚於上皇今從德川記慶元記難波戰記冬夏事記中和門院及女御准之○女御

誰此時東福門院尚幼未入內蓋壬生院藤原繼子逢春門院藤原隆子二人居其一未詳神祖與公卿

議禁廷禮儀法度於長橋局。還二條城。是日。上皇以阿野彈

正大弼藤原實顯為使。實顯四位季時子賀干戈已戢。神祖

入朝。菊亭右大臣藤原晴季來謁曰。將以明年之春改元。神

祖曰。選用漢唐治世之年號可也。松榮紀事曰。上皇勅問改元號。神祖奏曰。云云。德川

記。慶元記。難波戰記。並曰。板倉勝重白。改元事。今從駿府記。按明年改元。元和後。漢章帝。唐憲宗之元和。皆治世之年號也。

二十九日。大納言藤原兼勝。藤原實條來問元會。白馬節

會。蹋歌官位。准后親王位階。凡七條。神祖曰。朝儀禮典。古今

多沿革。須歸駿府。考定律令格式。然後議之。駿府記。慶元記。難波戰記。冬夏

事記。松榮紀事。是日。賜富田知治舊封宇和島十萬石地於松平政

宗庶長子伊達兵五郎秀宗。駿府記。德川記。慶元記。難波戰記。松榮紀事。秀宗叙從四位下。

任侍從。遠江守。賞松平利隆之軍功。賜白金三千枚。增封有馬直純

一萬三千石於日向。賜酒井讚岐守忠勝采邑三千石於下

總地。家忠日記。先是細川忠興固請赴大阪。神祖許之。至是忠興

帥步騎九千六十餘人。乘船至門司。聞和議既成。神祖班師

而歸藩。細川家傳錄。是歲平戶城主式部卿法印松浦鎮信卒。年

六十六。子肥前守久信嗣。家忠日記。寬永系圖。

松井甲太郎書

烈祖成績卷之十八終

